

*phi Medium paus divissimus*

*Philippus Nervus.*

*Teol. 5341.*



P

In Ec

M.

Un

rem

P

I

O

E

✻✻



192  
MEDIUM  
PACIS  
DIVINISSIMUS  
PHILIPPVS NERIVS  
FLORIDUS à FLORENTIA  
Congregationis Oratorij  
FVNDATOR



In Ecclesia Parochiali Sanctæ MARGARITÆ Virginis & Martyris  
Ejusdem Congregationis ad Posnaniam  
Assistente Nobilissima Auditorum Coronâ  
Per.

M. IOSEPHUM CHOYNACKI, in Alma  
Universitate Cracoviensi, Philosophiæ Docto-  
rem. interea in Academia Posnaniensi Ma-  
theseos & Grammatices Professore.

DEVOTO ORATIONIS STYLO  
PVBLICATVM

Anno quò

ReX Veræ Mediis saluavit pacta salutis.


Mense

Quò nitidus minorum percurrerat orbem.

Die quo

Et Vegetâ Sphæra VertuntUr protinus Astra.

1734



POSNANIÆ Typis Academicis.



*In STEMMA*  
PERILLUSTRIS & REVERENDISSIMI DOMINI



59978-  
III

*I.*  
Arte, celer telum, de terris Æthera scandit.

Dum venit ex Altis, omnia fausta notat.

Indicat excelsâ certò; pennata Sagitta.

In Virtute Tua, quòd sit Honoris apex.

*II.*

Terminus, opto Tux sit recta Sagitta Salutis.

Hæc rigidam Lachesim, non timet atq; minas.

Vulnera non metuit, nec pessima fata, volando

Admittit, cursu dissipat omne malum.



PERILLVSTRI  
 &  
 REVERENDISSIMO DOMINO  
 D. SEBASTIANO  
 DEGORSKI

*Juris Utriusq; DOCTORI,  
 Notario Apostolico, CANONICO Cathedrali  
 Kijoviensi, Decano Foraneo Sremensi,  
 Præposito Domachoviensi.*

DOMINO & MECÆNATI FAVENTISSIMO



*Edium Pacis Divinissimus  
 PHILIPPUS NERIUS,  
 pergrato Virtutum Candore,  
 ac Summâ Nominis proprij  
 excellentia, Cælum terramq;  
 implens, dum luci Publicæ ex  
 Umbris Academi exponitur, Tuo sub Heroi-  
 co, quia SEBASTIANI Nomine, ut Ele-  
 ctus ac Dilectus cordi, mentiꝫ Tuæ Ascetes,  
 locum habere non dedignatur. PERILLVSTRIS &*



REVERENDISSIME DOMINE DOMINE MECÆNAS  
GRATIOSISSIME. *Anni etenim revolutionē præ-*  
*sentis, notum est, almæ pacis indigere medijs,*  
*quæ aliter acquiri nequeunt, nisi per*  
*eximium, hoc in negotio Mediatorem PHI-*  
*LIPPUM. Felicia Jovis numerabantur*  
*seculorum momenta, quibûs ad pacem capes-*  
*sendam optima dabantur Media. Tempus*  
*etiam modernum, à certâ fortunæ Orbi Sar-*  
*matico faventis nec excluditur alea, nam PHI-*  
*LIPPUS NERIUS cunctos fatales favore*  
*suo est paratus dispellere casus. Nullum væ*  
*clamabit Polonia, Eam PHILIPPO ut*  
*Medio Pacis protegente. Fideli vero dabis*  
*veniam Clienti, Mecænas Colendissime, quod*  
*honorifico Nomini Tuo Medium Pacis PHI-*  
*LIPPUM, profunda cum veneratione pro-*  
*ponat. Doctorali enim Tuæ Dignitati, teste Cæ-*  
*lo, tanta exhibenda reverentia ac æstimatio,*  
*quantam merita, cum nobilissima morum ex-*  
*poscunt probitate. Pridem solennis publico*  
*ore intonat fama; Te pulcherrimum, constan-*  
*tiæ, honestatis, ac temperantiæ, sub glorioso*  
*SEBASTIANI nomine gestare Prototypō, ideo*  
*propter excellentiâ virtutum istarum de optima*  
*laudis mereris adorea. Exinde maximus ad-*  
*augetur bonos, quod plurimi virtutibus ad-*  
*jun-*



junctā; sibi ad invidiam, Tibi vero in applausum  
 gratulentur magnificentiam. Alijs Infulata  
 dant majestatem tempora, alios heroica in  
 altum Honoriſ evebit dexteritas, alios ob-  
 ryzo micantes ornant Coronæ, Te coronata  
 cum benemeritis virtus, Virum omni pretio  
 dignum, Polono præſentavit ac præſentat Ho-  
 rizonti. Festino lætus in Tui Nominis odorē,  
 thura enim ſpirat Sabæa, liliatum in medio Vir-  
 tutum explicat candorem, roſeumq; in vul-  
 tu depingit florem, quō Scholasticæ ſummo-  
 pere alliciuntur apes, ut de ejus nectareo rore,  
 melleum dicendi componant favum. Te Roſi-  
 num, ver Probitatis viride ſpirantem, Te beni-  
 gnum fas eſt appellare Perſeum. Juveniles flo-  
 ridæ ætatis Tuæ greſſus, Pœticis firmâſti  
 pedibus, id ſemper in memoriam revocando,  
 neminem poſſe ad ſublimia feſtinare, ſi  
 illis careat. Caſtalios purpureo ore exbauſi-  
 ſti latices, & adhuc ſitisti, pretioſum literarum  
 abſumpſiſti Penu, & ſufficienter nondum Tuâ  
 exſatiaſti orexim, ita tamen ſatiari voluisti,  
 ut Te nunquam ſuavis erudiendi torqueret fa-  
 mes. Inſuper auguſtum fontibus eruditionis,  
 ita benè dulcorâſti Ingenium, ut multis in emo-  
 lumentum, ſingulis foret in delicium. Quo-  
 ties ardui difficultatum commovebâtur fluctus,



toties secura; inter Euripi naufragia mentis  
Tuæ māsīt Cymba, dum subtili acumine facilius  
argumentorum quàm Neptunus tridēte compe-  
scuisti tempestatem. Copiosis Midæ thesauris,  
artisticas præposueras Facultates, judicans ma-  
jores à Pallade, quàm à Fortuna provenire di-  
vitas. Media cucurristi Appiâ, ad Honoris  
culmina, quam Tibi probitas cum benè meri-  
tis comparârunt. Amæna fronte ita Libro-  
rum folia ac Juris rimâsti Codices, ut liberum  
ad celsiorem Dignitatis gradum, qui Tuæ ex  
cōdigno debebatur Virtuti, haberes Passum. Cra-  
cij Regia sceptrā Lycæi, Signum Honoris Nomi-  
ni Tuo præstitēre, dum illud sublimi Divæ The-  
midis solio admo verunt, & Te Laureatum Juris  
Utriusq; Doctorē, publico soli indicârunt. Nemini  
tamen honor gratis venit, gemmas de Fronte ju-  
doris sæpius legeras, ut Heros & Flamen corona-  
tus fieres. Atræ eruditos calamos apposuisti  
sæpiæ, ut Scientiarum splendore illustratus, lu-  
cidior, toti appareres Poloniae. Nemo Te ro-  
bustum pro cultu DEI zelantem, non videt  
Hectorem, nemo, circa Ecclesiæ labores ac  
enixam tutelam, non profitetur Atlantem,  
quia SEBASTIANUM. Silere ne aneloquide-  
beam, præcelsam Virtutum Tuarum majesta-  
tem: resolve Mecænas faventissime. Ego in-  
ter



ter utrumq; positus, mediam arripio viam. Probitatem si eloqui negligerem, certò censoria meæ erga Te propensione appingeretur nota: si verò Te cunctis affabilem conticerem Tacitum non gratitudinis, sed primā reprehensionis à Tuo favore haberē causā. Præstabo quæ sunt præstanda, & publicabo, quæ sunt de Tuo Nomine publicanda. In omnium virtutum Medio verè Principem locum tenes, quia tam erga majestuosas Sponsæ CHRISTI Ecclesiæ ædes, quàm erga fideles pius persistis Clientes. Quidquid in debitam Deorum expendis reverentiā, virtute & labore collectam, dando non erogas, sed largiris fortunam, quam Tibi omni; celsi Jupiter Olympi, ne unquam detur vacuum remunerat plenitudine. Non unum absq; ira foves Irum, non uni Bellizario, magni ponderis distribuis obulos, ut eos Cræsos Tua protegente efficias Gratia. Sanè in hoc alios superare videris, quia multis ad placitum, plurimis ad affectum, singulis Te conservas ad Charitatem. Deum ubiq; præsentem, cum cordis revereris tremore, quovis in loco acsi ad Aras vivis Sacerdos, id nisi inter homines evitas, quod malè agere Ter Optimo Maximo displicet DEO. Iuris Divini tunc bonus approbaris Aristides, quum ad regulas vitæ Christianæ adamussim



regularis, id quolibet meditaris momento, quod  
declinare à malo, & curare bonum mandat.  
Planiori adhuc verborum virtutes Tuas cir-  
cumscribam emphasi. Illum Te submissio mea  
agnoscit Musæum, qui Purpuratæ Regio Ru-  
bicone Navi, tam diu adstitisti OPALE-  
NIÆ, quàm diu in Ternione Fratrum, Illu-  
strissimos fluctuantis in turbido Reip: Polonæ  
non perspexeris Argonautas OPALENIOS.  
Tantum albicantia Illustrissimorum RYDZIN-  
SCIORUM Lilia, florentem fortunatorum  
successuum porrigunt Tibi herbam, quantum  
Illorum Odori, ex Tuorum suavitate morum,  
eruditione, Virtutum Comitatu, placuisti.  
Nec Gentilitius PROSCIORUM Sam-  
son, pusillanimum Tuam judicat virtutem, sem-  
per Te magnanimum, semper altum non ela-  
tum, ex erudito Illustrissimorum NAVITA-  
RUM regimine extollit Chironem. Quod olim  
strenuus Julio Cæsari Tribunus, finito prælio,  
infixas scuto, quo se defendit, monstraverit sa-  
gittas, hoc Tibi Indiges Tuus, in Sacrato cor-  
pore expressit dum Tuam Gentilitiam propri-  
is telis annumeravit Sagittam, denotans Hanc  
Tibi esse Honoris metam. Non tam Phæbo  
ex pharetra, Marti ex acinace, Mercurio elo-  
quenti ex caduceo, Palladi ex ægide, quàm ex



celeri Divæ Themidi Sagitta fit majestas. Certe Gentilitia Sagitta animata est quæ toties per Optimatum non violando viscera, volavit, ut Illorum secreta nōssset, atq; ad nutum ivisset sine strepitu. Illustrissimorum TARLONUM Bipēnis, ad Cathedrā Kijoviēsē mōstravit Tibi Appiā, ex qua nō postremā obtines Dignitatis majestatem. Decanum elegit Te amor Mystrarum, quorum affectus ita feris, ut ei semper in suis Cordibus præstent triumphum. Sagittarius signum caeleste est, quem luce sua, annuatim percurrens condecorat Phæbus, & quasi arcum sagittasq; lustrans, Jovē, Mercurium, aliosq; Planetas, affectas in hoc signo efficit, se vero Decanum illius; juxta Astronomorum sensum constituit. Hæc Tibi prompte respondet Homæosis PERILUSTRIS & REVERENDISSIME DOMINE, levas manus ad Cælos ut sagittas, Sol verò mysticus, non annuatim sed indies in eis designat consistentiam, Te fortem contra Hostes animæ instituens Heroa, ac tela illorum, in Tuam consumens Victoriā. Insuper tantum gravitatis Tuo accrescit Honori, quantum in se, ingens virtutum compendium, continet Excellentiae. Nomen Tuum ideo summo titulorum genere dignum, nam cuncta sublimia, propria connotat etymologia. Ergolu-  
na-




natam; Gentilitiæ Sagittæ flecto in arcum  
cervicem, ut triumphalem votorum attingat  
metam: acri molestæ offensionis nunquam be-  
betetur lapide, ad celsum maximæ prosperi-  
tatis omni momento properet colossium,  
imò illi infracto adhæreat umboni, qui  
nulli fatorum subjacet impetui, ita intimo  
voveo corde.

Author Operis.





# ORATIO.



Editiosa armorum animorumq; po-  
 tentia, victrices triumphantium He-  
 roum clavæ, imperatrices Encelado-  
 rum vires, admirandæ rerum terre-  
 narum Gygantomachiæ, an potius,  
 illæ prægrandes Gygantum machinæ,  
 Herculeæ, Atlanticæ firmitas, ut  
 nunquam extra periculosam bellorū  
 minime cuivis bellorum, seditionis  
 ac tumultuum existunt orbitam, ita raro optimum ju-  
 cundæ pacis conservant medium. AA. Vitalem etenim  
 vix humanum genus incipit spirare auram, aures illo  
 instanti ad cuncta percipienda erigit mala, vix palpe-  
 bras ad communem singulis vibrat lucem; illico late-  
 bras callidè quærit occultas, in quibus truces ac nefa-  
 rios commode enutriat Mezentios. Nondum balbuti-  
 enti lingua bene sonantia exprimit verba, & jam mole-  
 sta verbera aptat, adhuc rectum ad sidera ignorat tol-  
 lere vultum, & hoc in puncto ultionem, dolos, malesana



hypocritarum consilia, temerario concitat ausu. Periē-  
re decora mundi Ilium cum Troja; periēre; solidissima  
solo æquata Pergama, infracta Thebarum corruēre mæ-  
nia, peraugustum bifrontis Iani Pantheon ad angustum  
venit lapsum, præcellsa Athenarum majestas, turbido ho-  
stium multoties conturbata impetu, deplorandam sui  
versa in ruinam, quod peruerso Optimatum fuerat subdita  
imperio, quod versipelli Momorum ore, quod asperis  
Martis belligeri minis, quod armatis cruentæ Bellonæ  
legionibus, depressa, debellata, ac concatenato erebicæ  
Eumenidum invidiæ nexu constricta permanfit. Urbiū  
caput & orbis Roma, Syllam contudit impium, itidemq;  
invidus Sylla inclytam devicit Romam, utriq; tamen fa-  
talis triumphus de Romuleis fuerat origo ruinis. Ille, ille,  
nefastus inter septem orbis miracula positum, Ephesinæ  
Dianæ templum combussit Herostratus, ast quo de fonte  
impius homo, tam abominabile hauserat scelus, ira vanaq;  
nominis sui, in posterum effecit dilectio. Ita quotannis  
rerum series, mundi undiq; ordo mutatur, nulla fors in  
tranquillitate perennat, nulla felicitas ærumnis caret, mun-  
dus immundus, incauta vitiorum appellatur cavea, erro-  
rum caverna, insidiarum abyssus, discordiæ fomes, bello-  
rum causa, virtutis pessulum imò effusus in omne nefas  
dicitur Oceanus. Apage lynceæ Catonum pupillæ, mi-  
nimam excessuum in Sanctiori Asceta PHILIPPO ani-  
madversuræ notam, vel atram criminum respecturæ um-  
bram, nec signum malitiæ in Divinissimo adnotabitur NE-  
RIO, purus ab omni scelerum labe existit PHILIPPUS.  
Cedite hinc tenebræ Atticæ, cedite! Sacer PHILIPPUS  
grato virtutum splendore adornatus, tristes vitiorum  
dispellit nubes, ac rigidas confundit noctes. PHILIP-  
PUS Boni communis Almæq; pacis Propagator, benignior  
autumaretur Iupiter, ni differentiam honorifici haberet  
Nominis. Abeste hinc scelesti in vita Cethegi, abeste!  
abominabilem Divinissimus NERIUS, nec est imitatus,  
nec



190  
nec vestram; nactus regulam morum. Procul nefandi  
Syllæ Scyllas ac voraginem doli dolorisq; etymo suo ex-  
primentes, pridem PHILIPPUS tranquillitatem cum mo-  
destia, modestiam cum constantia, hanc cum pietate a-  
damavit, pridem re floruit ut olea pacis. Districti præli-  
antis Bellonæ mucrones, cataphractæ atrocis Gradivi co-  
hortes, cristatæ Herculis cassides, amplius plorantem non  
terreatis populum, adest PHILIPPUS qui pro Domo &  
Aris ut respondere; ita strenuo certare paratus animo.  
Ecce benevolus Pater NERIUS an insolentis Pelagi po-  
puliq; Domitor Nereus, ille fraudulentum modulamine  
enecantes compescet Syrenes, ille Syrtes, scopulos, Acro-  
ceraunia, privantes vitâ pyratas; quomodo vitandum e-  
docebit. Irritamenta malorum, copiosæ fortunati Poly-  
cratis opes, insignes Midæ opulenti divitiæ, pretiosis, a-  
damantibus, obryzo, maximo monilium pondere onera-  
ta evanescite æraria! Vos, errores ac terrores, pericula  
cum piaculis, fatales motus cum metu, favores cum fu-  
rore, mortem deniq; cum Marte contrahitis, conducitis,  
commutatis. Eheu regna labuntur, incolæ mundi lu-  
gent, urbes diluviolachrymarum immerguntur, mista se-  
num ac Iuvenum densantur funera, momenta, horæ, tem-  
pora dies anniq; mærore pleni, eheu nulla salus bello pacē  
nunc poscimus omnes. Quando mæstos hilarabunt gau-  
dia vultus? quando citharædus Arion, cor vel consternatā  
mentem ad publicos animabit applausus? eo temporis  
intervallo, luctuosæ terrigenarum voces lætum canent  
celeusma, quando PHILIPPUS universale pacis promul-  
gabit instrumentum. Displicuit quondam amplæ vastato-  
ri Trojæ Menalao in laudanda vivere tranquillitate, maluit  
afflictos terrigenas lugubri nemini parcentium Parcarum  
contegi levidensa, quam Toga pacis, maluit vires eorum  
intra fatales langvere sarcophagos, quam illis subsidium  
ferre, maluit seditiosus fieri, quam quiete imperare. Neq;  
Busirides humani sanguinis heluo, neq; crudelis carnifex



Nero aut oppressor Gentis Quirinæ Catilina, pro immani tyrannide, inquietudine, æviternam apti sunt famam, infames potius dicendi homines non famosi, magis luctæ cum luctu avidi, qm̄ victoriæ, non tam mites, qm̄ severi, sæpius rigoris qm̄ regiminis inquirentes. Tanta est rebus in cunctis alteratio, tanta cujuscvis naturæ vicissitudo, ut maxima quævis minorentur, præcella subito casu ruant, splendida Cimmerijs obvelentur umbris. Imò nihil adeo firmi in vasta universi excipitur plaga, quod labile flebileq; nō existat, nil gloriosi cernitur quod vituperabile nō sit, nihil tranquilli perspicitur, quod perturbationes nō moveat ac tumultus. Solus PHILIPPUS non modestus at modestia, non honorificus, sed laus honorifica, non tranquillus, ast sola tranquillitas dicitur nominatur. Ergo PHILIPPUS medium pacis appellandus. Medium Te Pacis Sacerrime Pater PHILIPPE quum ulterior dictionis meæ promovebit progressus, medium reducem in tramitem, ne à condignis tui Nominis recedat encomijs. Evidentior medij propositi noscetur proprietas, si mediam benevolæ attentionis faventissimus AA. præbuerit auram, quam humilis dicendi expostulat stylus.

**P**erspiciax Sophorum animus, illud concordi voce & sensu approbat dici medium, quò mediante, in numerosa quævis acquiruntur. AA. Illustrissimus etenim Titan, nunquam ad sublime veniret Apogæum, si celeri in progressu, à proportionato recederet medio. Principes minorum stellarum Planetæ, minime propriam summa in auge viderent consistentiam, nisi medios moverentur per tramites. Molestos luna describens motu labores, multaq; alia vago temone meantia sidera, nitidos communicatæ lucis in plana terrestria non spargerent radios, si medijs auricomum proxime Hyperionē non currerent vijs. Plane quo difficiliora stellatum Firmamenti solum minoribus Cælorum sphaeris indicat mo-



movendi anfracta, eò faciliora ne paleâ quidem à rectissimâ aberrant linea, præponit ac proponit media. Hinc à Summo Olympi fastigio ad sublunaria mentem dirigi est necesse. Leviori quondam Icarus super æthera levatus pennâ, supremam stelligeræ Ædis dum manibus vellet palpare superficiem, mediam in cursu non servando semitam, adeo in præceps violento corruit impetu, ut Icareum nomine suo fecerit Pontum. Periisset rabida Minotauri absorbendus fauce Theseus, tortuosis Labirynthi irretitus laqueis, ni ductili auxiliantis Ariadnæ filo; in medios reductus fuisset calles. Cucurrebat felix ad Coronam stadiodromus Lescus secundus, cuius secundus nec factus fuisset Candidatus, nisi medium licet arduum, arripuisset iter. Dulci nectare stillantes Heliconis undæ, à recto non deviant medio, novenarius Musarum chorus, medios Apollinis contemplantur fœnos, Tulliani flores, Jucundæ Hortensiorum rosæ, eò sva-viores spargunt odores, quò elegantius explicantur ac pullulant in medio, Eximia Parens eruditorum Stoa, non prius docta permisit aggredi certamina, donec modum consequendi media, proba incepturis jurgia, monstraverit Anaxagoris. Archivum Sapientum Peripatus, raro majores studiosis Achilibus tradit concertationes quàm de medijs: aliter fluere non novit Eurippus, medijs non nisi undis. Insuper Helespontus flumina, fontes, & omne animalium genus, optima vivendi servat adamussim media; nam quodcunq; bonis non inhæret medijs, illud nec Ditis opum, nec fortunæ Polycratis, nec Particeps ætatis Nestoreæ appellandum. Hactenus mundana proclamavi, nunc humili dicendi sensu, ad sacerrimum Patrem venio Philippum. Illud est Medium pacis PHILIPPUS, quod de purpureo Neriani sanguinis Rubicone, primâ desumpsit originem, & tunc Romano; eò melius innouit Tyberi, quo luculentius latepatentes Natalis fluvij margines, rubeis NERIANÆ Gentis circumduxit lineis.



Majestuosæ Deciorum nomina, laudanda Claudio-  
rum Domus; illustris Octaviorum propago, licet  
ut octo Consanguinitatis poposcerat gradus, gradus  
tamen illi, plurimis obliquitatem, & aptitudinem ad illi-  
cita compararunt: elegans vero Prædecessorum PHILIP-  
PI in virtutibus amissis, mediam in orbis exortum de-  
terminavit PHILIPPO Appiam. Longè olim distēsa Gen-  
tis Appianæ arbor, Deorum ferè sedem, ac vertice alto  
excellsum tetigit Olympum, virentes ad; imò ultra mare  
distenderat ramos: quid inde? brevi hæc florida aruit  
arbos, frondes ejus vitiosis correptæ stolonibus, non  
diu oleaginosos in medio pacis prætulerāt furculos, sæpius in  
cornos & spinas degenerarunt, vites cū palmitibus figurare  
nequeūtes. Celsior fuerat; etsi parūper minor, Nerianæ Pro-  
sapiæ plāta, hæc virtutū vigore indies rigata, crevit de pu-  
milla in provectiora virgulta, ex virgultis in frutices, de  
his in Cedros, de Cedris in Libanos, de Libanis quo-  
que in amæna reffloruit Viridaria, quorum medio, Dijs  
etiam jucundum fuerat immorari. Hac de stirpe san-  
ctior processerat PHILIPPUS, quæ post; adeò patula spa-  
tiose & speciose explicuit ramenta, ut maxima totius  
Universi essent ornamenta. Patriā PHILIPPI si quæri-  
tis: Florentiam dico? illa florentem Bono communi Cy-  
neam PHILIPPUM, an dulci eloquio Paternos Lares  
defensurum Demosthenem, exposuit, edidit, publicavit  
Philippum. Lugentes Quirinæ Gentis incolæ, profun-  
do lachrymarum immergebantur Ponto, adeo crudeli  
tyrannorum manu, de subditorum collis effuso; ut  
domorum fundamenta, pacificas Iani ædes, auro lami-  
nisq; tecta Palatia, & urbes & oppida, tam horrendum  
sine faucibus absorbere videretur diluvium. Quid mæsti  
Romæ totius egere coloni? ecce madidis pupillarum, spon-  
gias implerunt guttis, lamentati sunt toto ingemuere cor-  
de, manus flexere attoniti, vultus mærore pallidos effe-  
cere, præ dolore vertiginem cerebri sensere, imò mortem  
semi.



semivivi opperiebantur, ut non viverent, medium tantummodo salutis solatijq; cælitus datum, ingenti cum desiderio exorantes. Invictissimus cælestium ac terrestrium Rex DEUS Exercituum; rationales, nimium trementi fatorum turbini expositas videndo creaturas, tristitia in læta; bellica in tranquillâ per medium Pacis PHILIPPUM commutavit intervalla. Applaudit Romanus Horizon, communis gestit populus, Principes, Laticlavij, Scipiones, Epaminondæ, summopere lætantur, quòd olim Genethliaca NERII dies, splendenti nō sævientis Saturni at benefici Iovis illustrata Phænomeno, medium pacis toti Universo manifestavit Philippum. Felix anni circulus, qui sacris PHILIPPUM involvit cunis, Gangetico pulvere mensuranda hora, quâ in arena viventium steterat PHILIPPUS, aurora candido fortunæ notanda calculo, cum qua in sublunarem PHILIPPUS compagem est exortus. Fortunata incunabula, in quibus medium Pacis quievit PHILIPPUS. Majores pulcherrima dotati sorte, qui tantum edidêre Natum. Prospera Lucretia Mater, quod eam precibus à Cælis lucrata fuerit progeniem, quæ Ecclesiæ ornamentum, Civibus amor, egenis gazophylacium, mæstis solamen, inquietis tranquillitas, turbatoribus medium pacis esset futura. Felix juvenis PHILIPPUS, viridem Hippolyti agens ætatem, primos dierum suorum exortus, à Mari Gratiarum provenire didicit, prima á sole Justitiæ tempora, novus in sanctitate Archimedes numeravit PHILIPPUS: nulla transivit umbra noctis, quam æstuante in in medio cordis flammâ, non illuminâsset NERIUS, nulla præcessit diei linea, quam purpureo amoris erga Superos; Divinior Appelles PHILIPPUS non depinxisset colore, nullum horarum præterfugit momentum, quo castior Ascanius PHILIPPUS, mirâ mentis elevatione, ideam puritatis MARIAM, non fuisset contemplatus, nullus literarum ludus, aut gratior PHILIPPO componendi fuerat



syllabus, quam Alpha & Omega, nulla ars placidior, arte placandi placendiq; DEO, nulla pulchrius PHILIPPO studendi arrisere praecepta; quam Decem. Non prius NERIUS Castallios candido ore gustaverat fontes, donec fontem omnis Gratiae coluerit CHRISTUM. Peramænum Tulliani campi, nunquam aggressus medium, donec prius de perfectissimo omnimodæ Virtutis Medio, scilicet DEO, profundos vasta mentis indagine formaverit conceptus. Proposito si aliqua ab acuto PHILIPPI ingenio, proponenda esset, maxime de inveniendo, propriæ proximiq; salutis Medio. Theologica PHILIPPUS tunc excellenter perscrutatus arcana dum Attributa Omnipotentiae Dei, ad medios id est bonos, revecârat sensus. In Divæ Themidis Areopago, illa PHILIPPO maximè placuit regula Juris, quæ mores candidos, litem sedandam, concordiam, pacemq; servandam edocuit Auditorem. Tantam docta Virorū Athenæa; adeò in juvenili PHILIPPO admirata sunt artium peritiam, ut quem Discipulum viderunt, optimum nominavere Magistrum. Quomodo ergò tam præclarum in virtutibus Virum, ulterius lingua enarrabis? citius magni exhaurirentur latices Nili, aptius in minutas Pelion athomos, tenebræ in lucem, aurum in rude metallum chalybes in ductile electrum, corvi in cygnos, columbæ in aquilas, mulcæ in elephantes, spinæ in rosas, urticæ in violas mutarentur, & merita sanctioris Ascetæ PHILIPPI, vix condignæ Laudis initium haberent. Virtutes Nerianæ non sunt ita arctæ, ut in nucis claudantur putamine, istis nec Ilias Homeri, nec ampla Maronum Æneis, nec Liber Fastorum sufficit, nec laudatores Plinij. Annis imò sæculis opus, ut encomiorum PHILIPPI possit haberi compendium. Non multum Oratorijs indiget coloribus, quem purpura virtutum exornat, aliena nunquam intuetur sidera, quem sua virtutis illuminat Claritas. Auro cedroq; notanda flo:



florenti juventâ inclaruit Mundo Zelotes Honoris Di-  
 vini NERIUS: at longè præstantius majori ætate ex-  
 hibuit Universo PHILIPPUS Probitatis incrementum  
 dum teneritudini ejus gravior morum successit Comi-  
 tas. Celsiorem Adolescentiæ, PHILIPPUS venerat  
 ad gradum, in hoc modum sive Medium vivendi, di-  
 ligentissimè aggredi intendit, carum Cælo hominibusq;  
 inquirat statum, mundana aspernatur crepundia, opu-  
 lenta Petilianorum odit gazophylacia, aureos Luculli  
 respuit Panes, nefandos Paridis lusus contemplativâ reij-  
 cit mente, luxum Vitellij non sine luctu prætereuntem  
 vilipendit, illa solummodo PHILIPPUS, enixo animo  
 capeffit delicia, quæ æviternè; non sinunt delectare,  
 eum requirit Thesaurum, qui degit absq; defectu,  
 illis vult frui convivijs, quæ fame ac fastidio  
 non abundant, ea anhelat exuberare lætitiâ, quæ  
 sine mærore perennat: hac bysso ac purpura amiciri  
 exoptat, quæ absq; dispendio vitæ, emitur absq; rubo-  
 re. Tanto Cælites PHILIPPUM sunt prosecuti hono-  
 re, qui nullam illusionem, contumeliam, parat atq;  
 contemptum. Iam ergo PHILIPPUS in optimo vitæ  
 ulterioris quievit Medio, sed Medium pacis, Medium  
 probitatis, quomodo inveniendum, insomnes ut alter  
 Cleanthes meditando consumit noctes, corpus affligit  
 salubres extenuat vires, ut Vir perfectus in Medio vir-  
 tutum sistat PHILIPPUS. Benè est sacerrime Athleta  
 PHILIPPE, quod Medium salutis, solatiiq; aggredieris,  
 Medium namq; tenuere Beati. Quoties alacri passu Sacra-  
 ta Infinitæ Sapientiæ invisit Conclavia, toties medios  
 ad probitatem Divinior PHILIPPUS non dereliquit  
 tractus. Sacra MATER Ecclesia, numerosa in PHIL-  
 IPPO videns probitatis augmenta, eum firmum bra-  
 chij proprii Atlantem, imperterritum contra hæreseos  
 monstra Herculem, erronibus in labyrintho peccati  
 hærentibus Manuductorem, elegit, constituit PHILIP-  
 PUM



PUM. Obtemperat alacriter mandato Matris purus My-  
sta; munijs promptè respondet, & quæ susceperat, no-  
vus Alcides sine molestia, onera discit bajulare. Vi-  
dendum erat, quantum pro cultu Dei zelavit, quantum  
pro integritate Patriæ; indefessus invigilavit Argus.  
Sæpius litabat Hostiâ, ne hostes cû lite Regnorû expugna-  
rent Ædes, eò fervidiori usq; ad triclinia Polorum, ele-  
vabatur Spiritu, quò invidior infirmum, infimumq;  
terrificarum genus violavit, ceu ardore suo ut Vesuvius  
ira succendit hostilis. Tantû PHILIPPUS pro Universi Bo-  
no sudavit & alsit, quantum humanæ nunquam po-  
terant eniti vires. Sane ut convenientiùs Medium pa-  
cis in posterum nosceretur PHILIPPUS, pro panoplia  
contra turmatas erebi phalanges invictissimo Triumphan-  
tis CHRISTI armavit se trophæo, pro pyrobolis, preca-  
torios contra stygium Ducem, jactitabat globos, pro  
pyrio pulvere, inextinctas Divini Amoris, adversûs  
insidiatorem animæ, concitavit flammæ. Lusit in hu-  
manis Divina potentia rebus, rigorem pro vitijs exten-  
dendo: lusit suspiranti voce NERIUS, ut Autor Pacis  
ferientia, quæ miserat pro delictis flagella, ab anxijis terrestribus  
hemisphærii removeret habitatoribus. Exultet septicollis  
Roma, Cælis vicino culmine, Divinum adoret NERIUM, re-  
dolentes in heccatomben colligat Florentia herbas,  
quod PHILIPPO Protegente, innumerabilia à Cælis ob-  
tinuerit beneficia. Concurrat hûc egenorum cætus,  
quem PHILIPPUS liberali affatim dotavit manu, &  
tunc ingentes censuit possidere opes, dum inopes, ab  
insigni eliberavit calamitate; tunc omnia habere ratus,  
dum esset exhausti Possessor ærarii. Novit NERIUS,  
dissolutos unire animos, alios ad concordiam, pluri-  
mos ad charitatem animando. Rebelles litigantium  
lingvas, mussitantia Aristarchorum digitò compressit  
labella, nulla contentio, nulla pertinacia, Mediante  
PHILIPPO dominari ausa. Sistite bini in tutelam  
PHI-



PHILIPPO commissi adolescentes, dicite quàm plurimū bonitatis, à Medio Pacis PHILIPPO derivastis. Vos olim insolentia, monitis regiminiq̃, Divinissimi NERII recalcitrare fecit, & qvum ab effrænato NERIUS cohibere nequijt animo, cohibuit spumantis Palagi procella. Jam vitam unius vestram, extrema fatorū in mari vexârunt pericula, imò mors surgens cum fluctibus stabat à tergo, dum multum à littore remota merge- retur ratis. Quid desperabundus operatur tyro, subitò abligurientibus consumendus vorticibus: en auxilium Peroptimi Magistri suspirijs gemituq̃ invocat: ade- rat eo in puncto periclitanti Ascanio, vivens adhuc in terris PHILIPPUS, ac de turbido insolentem juvenem naufragio, dextera sua extraxit, tri- stem ululatum in festiva acroamata, crudeles fatorum eventus, in Medium Pacis perituro mutavit Ganyme- di. Tremenda Regum ac Principum Majestas, vene- randæ Dynastarum dibaphæ, culminantes magnorum Procerum Curules, ipso tinnitu mortalium corpora perstringentia Gradivi arma, bella ciere ignorârunt, PHILIPPO ut Medio Pacis imperante. Aureum Satur- ni sæculum, illis redijt Provincijs, fortunatiora Neruæ annis crevêre tempora, feliciores Fausti momentis nu- merabantur Romæ dies, quando Medium Pacis NERI- US, toti inclaruit universo. O vitam inclyti Patriarchæ vitam similem Angelicæ! o mores! moribus Cælicola- rum non dissimiles, Virtutes candore ipsò pulchriores. Verè PHILIPPUS, Angelus in terris dicendus fuisset, si corporea caruisset substantiâ. Attigit NERIUS omni- modæ perfectionis Medium, nunquam extrema vitio- rum attingendo. Placuit Cælesti Medium istud Hie- rarchiæ, quæ indies in eo visitandi gratiâ stitit, de- bitum præstando homagium, placuit primo rerum Mediatori CHRISTO, Hic nullibi gratiùs immorari elegit, quam Medio Pacis PHILIPPO. Castissima supernæ Je-  
rusa-



rusalem Pandora MARIA, ceu Sanctior Polaris Parnassi  
Polymnia, nunquam svaviori, vocum recreabatur mo-  
dulamine, quam media, seu proportionatâ Chelys in corde  
PHILIPPI instructæ resonantia. Tandem Liliata mature-  
scente Virtute reffloruit in PHILIPPO Senecta: isti toties  
Serenum arrisit Cælum, quoties albicantes de ore PHI-  
LIPPI, tanquam nobilioris Persei in Encomia CHRISTI  
pullulavêre rosæ. Laudanda temporum momenta, qui-  
bûs gemmantes arborum fursum levantur rami, & vi-  
rentia latè diffunduntur folia. Sed una ex parte beata ap-  
pellantur, alterâ nomen illorum crimen esto: istis fre-  
quenter furentes concitantur Euri, feroces scintillant  
Planetæ, fatalia incendentes Parrhælia. Nitidus Ti-  
tan benignâ totum Univerſum exhilarat luce, sed si-  
mul occidit. Extra paradoxum est, illa; quæ indies mo-  
ventur, repentinæ subesse mutationi. Fertur rapidis  
Gens hominum obvia fati, vita citato properat cur-  
su, volucrisq; die. Ah fatua Fata dolenti inculanda voce:  
tollitis depontanos de Medio vitæ Nestores cum Anich-  
sis, nulli viventium locum Æternitatis designando. Vi-  
xit PHILIPPUS absq; nævo, vixit candidus Olor, absq;  
interno fucō, pijs celsum pertingens vocibus Olym-  
pum. Cecinit tamen tristi funera voce, è media re-  
gione Viventium, longinquas migraturus in oras. No-  
tum est, benevolos ecclipsari Joves, solemq; deliquia  
pati. Passus PHILIPPUS omnibus congenitum mor-  
talitatis vulnus, verum id modum vivendi PHILIPPO  
præparavit. Lugendum namq; de terris exilium, au-  
xilium æternam porrigit ad Patriam, periculorum quæ  
nimium premunt extrema, optimum felicitatis indu-  
cunt Medium. Somno non morte vitam Sanctior com-  
mutavit Ascetes, Probitas enim cum benè factis pericu-  
losam infortunij excludunt aleam. Vivit superstes imò  
perennat; in Medio Pacis PHILIPPUS, prosperitatem  
cum securitate, fortunatos sine cæde annos, Univerſis

mun-



mundi propagaturus incolis. Vivit **PHILIPPUS** nec mori valuit, incolumitatem & vitam plurimis præstando. **Ægra** Hippocratis medela, inutiles Galeni herbæ, periculofum **Æsculapij** comprobatum est recipe. Solus **PHILIPPUS** innumeros à torquentibus eliberavit doloribus patientes. Sufficiat unus pro millenis, **BENEDICTUS** tertius decimus, Pontifex Maximus singulariori Patrem **NERIUM** adorans cultu. Prefferat **Benedictum** summæ bonitatis Papam, insperata fati jactura, vulnera non hostili manu, sed dirutæ in fundum ædis casu data, totum Pontificis ita debilitârunt corpus, ut non vivum, sed semimortuum censeretur. Quid ad vulnera Pontifex, pharmaca detestatur, balsama non admittit, unde sâlus speranda, minimè apprehendit. **Dilectum** nonnisi arripit **PHILIPPI** Prototypon, huic dulcia imprimit basia, temporibus apponit, vulneribus admovet, & sanatur, absq; vulneribus absq; dolore. Ergo incommodorum nomina Commodorum oblivioni dentur, nefanda Domitiorum fileat sævities, impia Diocleciani nec memoretur tyrannis. En **PHILIPPUS** alter **Æmilianus**, cujus imperio, impacifica; tranquilla tempora fient; Peri Epeu callida arte Trojam devastans, **PHILIPPUS** & flamen & Heros, nil præter triumphum nil præter almam instituens pacem **PHILIPPUS NERIUS** purior est Nilus, à quo nectarei bonitatis dimanant fontes, **PHILIPPUS** verior Polus, Trigonocratores procul removens maleficos. Re inferam, **PHILIPPUS NERIUS**, Princeps Polonæ felicitatis, bonum futuræ Pacis nomine suo expandens omnia. Date tela, scandite mænia bellatores, **PHILIPPUS** fortibus paratus resistere viribus, semper Nomen Manen, **PHILIPPI** Medio Pacis inhærent. Consurge, consurge langvens Polonia, ad Patrem recur-re **PHILIPPUM**: Medium Pacis est, te mæstam non dedignabitur consolari. Vestra hîc Emeritissimi Sacer-



rimæ Congregationis PP: resplendet in PHILIPPO claritas. Domus vestra Angelorum Colonia, Cælitum Chorus, Cæli suburbium, Virtutis gazophylacium, Fidei Præsidium, septicollis Romæ ornamentum, Regia Sapientiæ, Orbis Delicium, ac Religionis Fundamentum. Elogia amplissimæ Domûs vestræ non extendo, satis magnitudine sua Medium pacis PHILIPPUS infinitam laudum vestrarum metitur majestatem. Votis non encomijs certare cupio, precando, hancq; votorû ponendo Cathegoriam, ut Medium Pacis PHILIPPUS, nulla factorû adversitate Vestrâ permittat turbari vitam, claros nisi Eam, magnæ prosperitatis, dies edoceat intueri. Terminum dicendi de Medio pacis PHILIPPO aggressurus, Te omnis alloquor Sarmatia, plurimum homagij Sanctiori Hæmido censeo te debere PHILIPPO, Hic pius Pater Lares vestros & Aras, à periculosis factorum tegit, protegitq; extremis. Primus ante Regis Regum Majestatem Vasallus supplices extollit voces, ne terrigenæ terrore grassantium afficiantur bellorum. Applaude Quirina propago: applau- de Polonia, quòd tanto viges sub Viro, qui se Myrtam simulq; Xenophontem exhibet cuicunq;. Amplius sæva Cybele non concitabit furorem, cessabit execrabile Bron- tum Steropumve robur, quæ nunc prospiciuntur in turbido in sereno certò certius videbuntur. En Appius Cimon & Tullius præsto adest NERIUS, exoptatam in manu Pacem, unanimem in lingua consensum, æqualem in corde dabit concordiam. Ergo Sacerrime Pater PHILIPPE perenna & dominare, præbe sana ad pacem capeffendam Consilia, Status Regnorum, Senatumq; uni, Urbibus præside- mæstos solare, Petri Claves ac Sceptra Cracij tuere Lyæi. Apertam Posnæ Januam, ab impetuosis factorum e- fende incursionibus, & ita non sine causa ab Un- versis nominaberis Medium Pacis

PHILIPPUS.




XX. 1. 28



s  
s  
n  
a  
i  
n  
s  
n  
n  
E  
m  
i.

Biblioteka Jagiellońska



stdr0024324



